



Մ ՈՒՐՐ Զ ԱԿՈՐ

ԱՌԱՋՆՈՐԴԱՆԻՍՏ ՄԱՅՐ Ե ԿԵՂԵՑԻ



ՅԻԱՆԱԿԻ Չորրորդ Կիրակի

16 ԴԵԿՏԵՄԲԵՐ 2018

Կիրակնօրեայ Ընթերցումներ	Էջ	1
Աղոթքներ	Էջ	3
Ծանուցում	Էջ	4

ԸՆԹԵՐՑՈՒՄ ԵՍԱՅԻ ՄԱՐԳԱՐԷԻ ԳԻՐՔԷՆ (38.1-8)

Այն օրերուն եզեկիա թագաւոր
հիւանդացաւ եւ մահուան
անկողին ինկաւ: Եսայի մարգարէն,
Ամոսի որդին, անոր քով եկաւ եւ ըսաւ.
«Տէրը այսպէս կ'ըսէ.- Քու տանդ
համար կարգադրութիւն ըրէ՝ յաջորդդ
նշանակելով, որովհետեւ կեանքիդ
օրերը վերջացած են եւ մահդ մօտ է»:

Եզեկիա երեսը պատին դարձուց եւ
այսպէս աղօթեց Տիրոջ. «Կ'աղաչեմ, ո՛վ
Տէր, յիշէ թէ արդար եւ ուղղամիտ եղայ
քու աչքիդ, եւ ըրի միայն այն ինչ որ
հաճելի է քեզի»: Եւ Եզեկիա դառնօրէն
լացաւ:

Այն ատեն Տէրը հրամայեց Եսայի
մարգարէին, ըսելով. «Գնա՛ եւ
Եզեկիային ըսէ.- Այսպէս կ'ըսէ Տէրը,
քու հօրդ՝ Դաւիթի Աստուածը. «Լսեցի
աղօթքդ, տեսայ արցունքդ եւ ահա
քեզի տասնհինգ տարի եւս կեանք կու
տամ: Այլեւ Ասորեստանի թագաւորին
ձեռքէն պիտի ազատեմ թէ՛ քեզ եւ թէ՛
այս քաղաքը, Երուսաղէմը, որ անձամբ
պիտի պաշտպանեմ»: Եւ որպէսզի

զիտնաս թէ Աստուած իր խոստումը
պիտի կա-տարէ, Տէրը հետեւեալ
նշանը կու տայ քեզի: Տե՛ս, քու հօրդ՝
Աքազի արեւու ժամացոյցին ստուերը
տասներորդ աստիճանին վրայ ինկեր է
հիմա. բայց Տէրը զայն տասը աստիճան
ետ պիտի դարձնէ»:

Եւ իրապէս, ստուերը իր ինկած տեղէն
տասը աստիճան ետ գնաց:

ՊՕՂՈՍ ԱՌԱՔԵԱԼԻ ԵԲՐԱՅԵՑԻՆԵՐՈՒՆ ԳՐԱԾ ՆԱՄԱԿԷՆ (1.1-14)

Անցեալին բազմաթիւ անգամներ
եւ բազմաթիւ կերպերով
Աստուած մեր հայրերուն խօսեցաւ
մարգարէներուն միջոցաւ, իսկ այս
վերջին օրերուն մեզի խօսեցաւ իր
Որդիին միջոցաւ: Աստուած զինք ամէն
բանի ժառանգորդ կարգեց եւ անոր
միջոցաւ էր, որ տիեզերքը ստեղծեց:
Որդին, Հօրը փառքին լոյսը եւ անոր
էութեան ճշգրիտ պատկերը, որ իր
խօսքին զօրութեամբ տիեզերքը կը
պահէ, իր անձով մեր մեղքերը սրբելէ
ետք՝ երկինքի մէջ նստաւ Աստուծոյ՝
Գերագոյն Զօրութեան աջ կողմը:

Ան շատ աւելի բարձր է հրեշտակներէն,
ինչպէս Աստուծոմէ իրեն տրուած
անունը ցոյց կու տայ. որովհետեւ ո՞ր
մէկ հրեշտակին երբեւիցէ Աստուած
ըսաւ. «Դուն իմ որդիս ես, այսօ՛ր քեզ
ծնայ»: Կամ որո՞ւ ըսաւ. «Ես անոր հայր

պիտի ըլլամ եւ անիկա՝ ինծի որդի»։
Դարձեալ, երբ իր անդրանիկ Որդին աշխարհ կը զրկէր, ըսաւ. «Աստուծոյ բոլոր հրեշտակները թող պաշտեն զայն»։

Աստուած իր հրեշտակներուն մասին խօսած ատեն կ'ըսէ.

«Աստուած իր հրեշտակները ստեղծեց որպէս պատգամաւոր հոգիներ, եւ իր պաշտօնեաները՝ կրակի բոցի պէս»։

Մինչդեռ Որդիին կ'ըսէ.

«Քու աթոռդ, ո՛վ Աստուած, յաւիտենական է. արդարութեամբ կ'իշխես թագաւորութեանդ վրայ։ Արդարութիւնը կը սիրես եւ անիրաւութիւնը կ'ատես։ Ահա թէ ինչու, ո՛վ Աստուած, քու Աստուածդ ուրախութեան իւրով օծեց քեզ քու ընկերներէդ աւելի»։

Դարձեալ, ուրիշ տեղ մը Որդիին կ'ըսէ.

«Դուն, ո՛վ Տէր, սկիզբէն ստեղծեցիր երկիրը, եւ երկինքը քու ձեռագործդ է։ Անոնք պիտի կորսուին. բայց դուն կաս եւ կը մնաս։ Անոնք հագուստի պէս պիտի մաշին. վերարկուի մը պէս պիտի ծալես զանոնք եւ հագուստի պէս փոխես։ Բայց դուն միշտ նոյնն ես եւ քու տարիներդ վերջ պիտի չունենան»։

Բայց հրեշտակներէն որո՞ւն ըսաւ երբեք.

«Աջ կողմս նստէ, մինչեւ թշնամիներդ ոտներուդ տակ դնեմ որպէս պատուանդան»։

Չէ՞ որ հրեշտակները Աստուծոյ ծառայող հոգիներ են եւ իր կողմէ կը զրկուին օգնելու համար անոնց՝ որոնք փրկութիւնը պիտի ժառանգեն։

**ՅԻՍՈՒՍ ՔՐԻՍՏՈՍԻ ԱԻԵՏԱՐԱՆԷՆ
ԸՍՏ ՂՈՒԿԱՍԻ**

(17.1-10)

Յիսուս իր աշակերտներուն ըսաւ. «Գայթակղութիւններ

անպայման որ պիտի պատահին, բայց վա՛յ այն մարդուն, որուն ձեռքով ուրիշներ գայթակղութեան մէջ կ'իյնան։ Նախընտրելի պիտի ըլլար որ իր վզին ջաղացքի քար անցընէին եւ զինք ծովը նետէին, քան թէ այս փոքրիկներէն մէկը գայթակղեցնէր։ Հետեւաբար զգուշացէ՛ք։ Եթէ եղբայրդ մեղք գործէ՝ յանդիմանէ զինք, եւ եթէ զղջայ՝ ներէ իրեն։ Նոյնիսկ եթէ մէկ օրուան մէջ եօթն անգամ քեզի գալով ըսէ՝ կը զղջամ, պէտք է ներես իրեն»։

Առաքեալները ըսին Տիրոջ.

«Աւելցո՛ւր մեր հաւատքը»։

Յիսուս ըսաւ. «Եթէ մանանեխի հատիկին չափ հաւատք ունենաք եւ ըսէք այս թրթեռիին, “արմատախի՛լ եղիր եւ ծովուն մէջ տնկուէ՛”, վստահ եղէք որ պիտի հնազանդի ձեզի»։

«Ենթադրենք որ ձեզմէ մէկը ծառայ մը ունի, որ հողագործ է կամ հովիւ։ Երբ ծառան դաշտէն դառնայ եւ տուն մտնէ, տէրը իրեն կ'ըսէ՞. “Անմիջապէս գնա՛, ճաշդ կեր”։ Բնականաբար՝ ո՛չ։ Ընդհակառակը, անոր կ'ըսէ. “Ընթրիքս պատրաստէ՛ եւ գոգնոցդ կապելով սպասարկէ ինծի, մինչեւ ընթրիքս վերջացնեմ. անկէ ետք կրնաս ուտել եւ խմել”։ Կը կարծէ՞ք որ տէրը իր ծառային երախտապարտ պէտք է ըլլայ իր հրահանգները կատարելուն համար։ Չեմ կարծեր։ Դուք ալ նոյնպէս, երբ կատարէք ի՛նչ որ հրամայուած է ձեզի, ըսէք. “Անպիտան ծառաներ ենք, ինչ որ պարտաւոր էինք ընել՝ կատարեցինք”»։

«Եթէ մանանեխի հատիկին չափ հաւատք ունենաք եւ ըսէք այս թրթեռիին, “արմատախի՛լ եղիր եւ ծովուն մէջ տնկուէ՛”, վստահ եղէք որ պիտի հնազանդի ձեզի»։



ԱՂՕԹՔՆԵՐ

ԳԱՌՆԻԿ Ա. Ք. Գ.

ԱՂՕԹՔ 1

Դուն Սուրբն ես, Տէր,
 որ կը նկարուիս
 պաստառներուն մէջ սուրբ կեանքերուն.
 անոնց միտքը
 եւ խօսքը
 եւ գործը
 առաքինութիւններուն գոյներով
 նմանութիւնդ կը բերեն:
 Քեզ նկարելով
 կը վերստեղծուին անոնք՝
 ըստ երկնային գեղագիտութեանդ: Ամէն:

ԱՂՕԹՔ 2

Իմաստութեան պարգեւէն
 հրաժարեալ մըն եմ,

ուստի կ'ըսես.

- Տե՛ս, ազոռաները ո՛չ կը սերմանեն,
 ո՛չ կը հնձեն,
 ո՛չ շտեմարաններ, եւ ո՛չ ալ ամբարներ
 ունին,

բայց Աստուած կը կերակրէ զանոնք:
 Նաեւ կ'ըսես.

- Տե՛ս, վայրի շուշանը ո՛չ կ'աշխատի
 եւ ո՛չ ալ կը հիւսէ,

բայց Աստուած այն խոտը
 զգեստաւորած է
 անգերագանցելիօրէն փառաւոր
 հագուստով:

Օգնէ՛, Տէր, որ պարգեւը վերագտնեն,
 այն՝ որմէ զիս չես զրկած երբէք.

այն՝ որմէ ինքզինքս կը զրկեմ:

Օգնէ՛, Տէր...

ԱՂՕԹՔ 3

Տէր իմ,

դուն որովայնէ զիս հրաւիրած էիր,
 եւ ես խոստացած էի մասնակցիլ
 յաւիտենապէս սարքած խնճոյքիդ:

Թոյլ մի՛ տար,

որ ցկեանս պատրուակներ հնարեմ,
 եւ ինքզինքս զրկեմ

հետդ սեղան նստելէ:

Այլ օգնականութեամբդ՝

ազատիմ պատրուակներ հնարելու
 սովորութենէս,

եւ արժանի ըլլամ հասնելու այն օրուան՝
 երբ որպէս վախճանական շնորհք

անկատարութիւնս պիտի զրկես

կատարելութեանդ մէջ:

Ժ Ա Մ Ա Ն Ա Կ Ա Յ Ո Յ Յ

Ա Մ Ա Ն Ո Ր

Երեքշաբթի, 1 Յունուար 2019
ՍԿԻԶԲԵ ԺԱՄԵՐԳՈՒԹԵԱՆ՝
Առաւօտեան ժամը 10.30
ՍԿԻԶԲԵ ՍՈՒՐԲ ՊԱՏԱՐԱԳԻ՝
Ժամը 11.00

Ճ Ր Ա Գ Ա Լ Ո Յ Յ

Շաբաթ, 5 Յունուար 2019
ՍԿԻԶԲԵ ԱՍՏՈՒԱԾԱՇՆՉԱԿԱՆ
ԸՆԹԵՐՑՈՒՄՆԵՐՈՒ՝
Երեկոյեան ժամը 5.00
սպա
ժամը 6.00-ին՝

ՍՈՒՐԲ ՊԱՏԱՐԱԳ

ՏՕԱ Ս. ԾԱԱԴԵԱՆ

ՅԻՍՈՒԿԱ ԲՐԻԱՏՈՒՐ

Կիրակի, 6 Յունուար 2019

ՍԿԻԶԲԵ ԺԱՄԵՐԳՈՒԹԵԱՆ՝
Առաւօտեան ժամը 9.30

ՍՈՒՐԲ ՊԱՏԱՐԱԳ

Առաւօտեան ժամը 11.00